



南宋羣賢詩選卷七



江都 陸鍾輝淳川



利

登

四十一首

登字履道號碧澗盱江人□□間進士第敝稿

青陽洞天呈青陽主人曾少裕

兩岸蒼蒼峭天柱停策崖邊喚舟渡青巾酒客打舟來  
驚起靈蛇絕溪去千年神漿不自惜萬里晴天安得雨  
但見飛流落半空空空中此水來何處巖下猶涵太古泉  
安知上不通銀浦蒼藤半濕苔蘚昏石罅無根迸孤樹

洞門一隙僅通人可惜鑿空開洞府乾坤明晦自有時  
突然棟宇那非數開闢豈無人到來巖崖尙絕猿猱路  
先生朝昏息丹巖萬壑歸心心不語瑤磬一聲天壁寒  
白雲紫霧驚相顧

雜興六首

我昔遊蓬萊道過崑崙山青壁峭千仞中分兩徑前上  
逕險且難行可求神仙下逕極夷易蛇虺交蜿蜒毫厘  
一殊軌安危異千年棄之從上征高步追飛鸞勿謂下  
途易下途前更艱

朝吾出東門回首瞻長坂淒然數根松枯華困凌踐時  
春百卉肥綠苔亦青婉如何虬鳳姿獨爾失蘄岸伐萌  
根下摧樵炊枝上剪忍此棘荆蕃寧此棟梁爨棟梁君  
自遺文木固不賤  
西登巫陽峰悵望高唐女靈顧不須臾而自虧澄素竚  
嘆爲君懷惜此蘭臺賦不惜蘭臺賦惜此天下雲茫茫  
八紘中是非誰得論

松栢托茂林高不尋丈至寸喬附太山未長已千里置  
身患不高餘事安足擬游必蓬萊游棲必崑崙棲仙游

南史詩選 卷一  
必祥雲仙茹必靈芝鳳凰雖自飢安食固不回癡鳶嚇  
腐鼠可笑空自疑

我昔此園游寒梅吐孤艷重來幾何間叢青倏以遍誰  
云花與葉同樹不相見

昨宵狂風起折我桑樹枝徘徊履桑園賤妾當何依豈  
無薜蘿生亦有柔苧肥素情在君子綺帛良重斯無桑  
蠶安食無蠶我安衣長嘆反初路渺渺天四垂

北溪蒼山謀避寇念青陽蒼山徘徊不忍作古

調開之

憶我昨選勝瓶錫朱蒼山上巖豁萬里下峽窮重元謂  
此已勝絕可以無梅川後同北溪遊青陽稅塵鞍險流  
貫地軸危瀑垂天關雲氣夜結構如有飛來仙迥然幽  
且深直可無塵寰乃知天壤寬淺目非所沿亦豈無勝  
此天不巧我閑豺虎白日行俘掠無崖巔此境亦莫保  
惜此時運艱二君皆駿人餘時洞遐觀考槃擇澗谷取  
數良已慳天上不予與而遺纏世患十月崆峒路霜風  
吹羈單回首舊游處野狐嗥莫烟天地豈不寬我身靡  
所安思古英達士豐皆薄龍盤求隱有不可勲名乃窮

年困衡心慮間庸非大任緣勉哉慎所從致主或不難  
逃死復誦此自笑還自憐念我昔時語夢驚老雲間茲  
事今已晚誰能復長嘆

梅川莫令君拉蒼山諸詩友用予松風首句爲  
韻招予游金津至而盜作不果游走佛巖有感  
此行爲山來至此事已非雲火四地動御風誰與期剝  
床漸及膚欲去迷所之蒼黃走澗谷勝遊翻在斯石梯  
盤七折頓豁萬里竒擁巖千修篁中著寒泉飛天壤有  
此景惜我前不知逃難乃邂逅自愧還自悲山風送萬

古開闢知誰爲亦有如我徒慷慨來登茲罹難本因此  
不悔乃攀窺天亦無如還更供去聲愛日暉平生江海眼  
此志良未痴忽憶家山遠寒馬鳴相依母子各一方而  
皆窘賊圍欲歸奔無從痛毒沾我衣

盜犯金川境扶持母妹復走興安有懷

歉歲古多盜于今起豐年村村逋遷偪旗鼓莽相連以賊

一村脅一村受旗鼓虬蟒信有力復此走興安淋漓雨

萬壑駭浪驚前山携持母妹孤寄此一葉寒猶勝去年  
冬我身落梅川母子各一方而中隔妖躔呼酒相勞苦

南史詩選 卷一  
茲猶幸團樂百年幾星霜十九落憂患人生亦何樂四  
顧愁我顏平生百事貧所得惟林泉亦復不過取溢量  
常恐顛天公尙不與謂我取傷廉前登馬崗雲回首東  
南天惻惻不得語蕭然泪潺湲

予與子實避盜同走崆峒予以其年十一月歸  
侍金川踰月而子實走豫章閱三載子實携婉  
妹歸梅川道經盱予自金川侍親歸會之酒酣  
作是詩以餞別壬辰十一月二十七日

聞君歸梅水經我鳳凰山走馬來相會匆匆具杯盤君  
行今已及我歸夢尙寒回首舊遊處白骨猶荒烟昔年  
崆峒別心已死生看今日寒林霜收悲暫欣歡善還已  
不期惡別似不難世事未可極臨分更盤桓

田家卽事

小雨初晴歲自新一犁江上趁初春  
豆畦種罷無人守縛得黃茅更似人

癸巳十一月二十五辭家雪甚作愴然有懷

歲暮游子歸余始爲行客朔風萬里長吹雪犯巾幘臨  
行不言苦不忍母心惻乾坤迫短景寒日易傾仄冰池

南齊書 卷之五  
綠骨嶮凍車瓊網澁一寒忍已熟浪出還自責撫劍睨  
前岡雲重楚天黑

野燒

初如螢燈一點明須臾數點如疎星忽然連亘勢不斷  
儼如金虵破夜驚縱橫又如長虹百尺濁奔飲江罷蜿  
蜒夭矯勢欲凌青冥竒光異色不可以正視倒影茅屋  
但覺奕奕光熒熒我聞昔者王家有寶鏡鏡橫八寸名  
紫珍塗以金膏傅珠粉碧光絳氣連屬日月含天庭又  
聞西方聖者釋迦子祇林演法導群生祥光自頂湧不

盡三千世界合作一色白月明今之竒光異色無乃是  
不然安得有此瑞彩突兀來崢嶸天公有妙手變化誰  
能名忽從青青現有象還復槁滅歸無形遺燼尙足澤  
萬物生意行又盈乾坤乃知元氣本不死不逐火化常  
存存君看餘澤滋萌達豈彼死灰能神靈秋風浩蕩吹  
萬寶拭目千室倉箱盈

友人自臨川來携庾臺趙先生與曾丈諸葛帳

幹文聯和康樂三谷詩句竒格老追遺韻千年  
間因難見巧玉疊瓊重殆非窘才者所宜逐響

矣不鑿蕪庸欲藉手以竊風斷之誨輒依韻爲  
四章因承教二丈

謝遊半天下晚歲來茲山平生未識見驚此紅玉泉散  
珠流芳詞策瓊想遺賢上探霞生巖下歷雲度阡名存  
有瑤刻事往如金烟南康遺事有埋金窖中有人盡發之失金世有好奇士  
剪茨闡繩筌魏都賦闡繩之筌緒均希此紅泉名欲作疑信傳勝  
境會卽是何必戶牖前洗耳天河邊聽之流潺湲語發  
謗已兆况復然不然

先生學者師文筆峭如山有時騁竒怪倒引天上泉達

觀古有作竒探今孰賢我亦頗自好種芝東南阡笑倚  
巖間月冷歌松下烟陸耘秀新插水捕排舊筌聞師有  
紫書願啓黃笈傳三月下汝江支離拜師前歸來鳳崗  
上藉蘭漱潺湲服師雙麟芝至今腹果然

吾聞烟霞外粵有天口山其中多仙子傲睨遊乳泉三  
仇久已絕七試嗟獨賢願持琅玕樹種之瓊瑤阡從此  
仙子遊上下陵祥烟羽元師華存靈變通道筌湧龍出  
寶臺紹彼真一傳肯如幽求癡仙景愕不前亦不盡肉  
芝平地生潺湲所求聖胎凝視世蟬蛻然



家住姑山下朝暮遊姑山澄潭貫地脈飛流接天泉永  
棲無昔老暫遊謾時賢古藤蔓直木蒼檜隨曲阡猶存  
萬古月尚照千年烟誰其錄青華嘿然語元筌紫鋒變  
窓塵金丹九液二七變  
紫鋒三七變窓塵重此鑪簡傳九障儻不存五靈  
森在前昨者携友朋攀蘿掬潺湲神交善爽徒宇宙空  
茫然

晚步

住在山塘深更深門前落葉與堦平高人聽鶴來相過  
野老因樵熟識名一水欲流山影去斷雲時伴一痕生

翛然獨步蓮峯夕十里松風秋月明

春日

雨過苔猶濕風來戶半開閑花忽落盡啼鳥自飛來

仙塘茅舍三首

住在山深處門前數曲灘近村烟勢濶傍水樹陰寒釣  
客喧碁僻高人借鶴看只愁山水怪嫌我着儒冠  
門對平蕪濶荒田帶水聲牧童兼鴨養野老叱牛耕山  
暖松花重園春菜子生杖藜斜日裏籬外白雲橫  
莫言賓從少幽僻長莓苔也有樵人到唯無詩客來山

南史詩選 卷一 八  
風花落盡溪雨燕飛回又覺年光暮庭陰滿綠槐

仙塘

一椽自著此山幽蘆葦蕭蕭繞屋頭野老屢來詢姓字  
社人相約賽春秋寒山此去無飛燕白水初傳有遠鷗  
病起偶然成獨往冷烟斜照使人愁

後坑茅舍

松風颯颯繞回谿遙帶居人竹一籬想自不知雲外好  
却令行客立多時

江亭

江亭凭望久野色暝蒼蒼古木浮寒霧空山入夕陽水  
流前夜月風作早來霜却笑垂綸者因漁亦自忙

走佛巖道中

避亂走佛巖依依絕溪水有客六弟昆遮予訪行事一  
云分路亡庶或一不死一云相爲命生死同所值遠逝  
宿無春近逃寇能至垂涕贈之言此身苦難避山剽無  
崖巔兵驕有城市共守固已非分逃豈云是風聞宜邑  
郭聚落復烟燬沸鼎無清鱗四瞻誰善地不辰自至斯  
乾坤古無際

梅川行

我來蒼山來一日平固屬石城弄兵到寧邑此時烏合猶

懼官風雀入耳心早寒來無與角去無捕堂堂墟邑自

來去墮軍長寇那可言初時數百俄數千受旗翕忽亘

千里聚落一燼如捲水就中閨女尤可愁肩緝背篋步

牽牛重重闕地搜伏窖謂無白日再天曉我時避盜逃

佛岩親眼見盜循山南紅葛蒙頭履纏項縈身錦被翻

紅浪招賢三尺刃如霜夾以巨盾張朱鎗皇皇我寨神

呵護山上澄明山下霧招賢人能製刀賊用之又習張朱二家鎗法時諸山友寨上皆

澄瑩見盜來往而寨下路迷躑躅不敢前依依遂犯連

湖去六盜飛紅登其巔賊犯我寨以霧不果遂犯連湖入之環山叫呼聲

連天紛紛毬雪半空落赤子甘心自投壑人自擲岩下

而死州忘縣邑縣忘鄉我實自弱非賊強捐金買靜恐

不受尸祝鼠輩拖朱黃何人此日不為盜已矣獨嘆吾

生忙已矣獨嘆吾生忙乾坤回首空斜陽

郊外

春色到江斷野香涵日嬌鳥穿芳樹語人隔遠山樵

春日

幽偏無一事終日自長哦課僕鋤荒圃邀人補斷葺爲  
貧沽酒少因病着衣多昨夜岡頭雨春風生綠波

梅花吟

落日孤烟寒不度梅花忽見橋西樹疎影猶含澗外雲  
暗香欲薄山前霧寒死不作女兒面幽絕却懷廊廟具  
但知殿後壓年芳誰識攬先啓春路初開寧無仙子來  
已落尙恐神明護後來紅紫競春風此乃成功鼎鼐去

早起見雪

折竹聲高曉夢驚寒鴉一陣噪冬青起來簷外無行處

昨夜三更尙有星

次婉妹月夕思親之什

追錄

緩作行程早作歸倚門親語苦相思白頭親老今多病  
不似當初別汝時

來世與田父怨

黃雲百畝割還空垂老禾堂泣晚春償却公私能幾許  
販山燒炭過殘冬

野農謠

去年陽春二月中守令出郊親勸農紅雲一道擁歸騎

南齊書卷之七  
村村鏤榜粘春風行行蛇蚓字相續野農不識何由讀  
唯聞是年秋粒顆民不收上堂對妻子炊多糴少饑號  
啾下堂見官吏稅多輸少喧征求呼官視田更視釜官  
去掉頭吏不顧內煎外迫兩無計更以饑軀受笞箠古  
來坵壠幾多人此日孱生豈難棄今年二月春重見勸  
農文我勤自鍾惰自釜何用官司勸我農氓亦不必勸  
文亦不必述但願官民通有無莫令租吏打門叫呼疾  
或言州家一年三百六十日念及我農惟此日

冬日

藤果纍纍熟山晴自遶簷斷薪經雨濕野菜着霜甜詩  
少客相笑家貧雀不嫌誰能更惆悵癡坐捲疎簾

臨平春日有懷

少年賤生理嗜書強解事長懷希南風趨數慚北鄙乾  
坤雙鬢改日月寸心死誓從鹿豕游乃復叨一第兩年  
三作別雲霧生馬耳臨平二月春花事歸桃李獨尋處  
士梅三肅湖邊水一官未得任畏首復畏尾旁觀未知  
羞自慚已無地懸知簪紱禽擾擾事方起終當綠霧中  
友彼乘龜子南柯不世勳僅足雄衆蟻

觀溪流

西山連夕雨漲此百尺渾怒濤響半空氣可飄崑崙一朝勢力盡枯葦有不能洋洋溟渤寬終古無虧盈

感興二首

聖域久蕪漫功利時競趨管晏苟有實安必世唐虞開明周孔心賴有伊洛儒古來正其心平治信有餘彼哉典午時相師談清虛未知千載人視今又何如

寂寂卧空晝憂懷忽無端攬衣亂西澗復此凌西山春事已無多半消霜霰間狂風更甚雨時蔽江南天寒草

昔衰靡及茲秀平阡日晚幽陽生餘光草中妍徘徊桃李花瑟瑟飄寒烟

別遊天台雲卧住

半月陪杖屨此別情詎忘平生兩知心踪跡長相望茲游天相之簷雨對夜床旅行得心朋在客如家鄉如何遽此去泛彼天台航知君愛奇觀赤城有霞光倘逢五百尊問我今行藏詩骨瘦未改雙鬢塵已蒼

永新道中

冉冉螺川路。茲行本不期。地平風到疾。山僻雪消遲。漸

南齊書選 卷一  
遠鄉人少初行岐路疑斷雲無意緒直欲上梅枝

金川早行

著野霜方新照天日未出蒼茫霧氣昏慘淡一片白吾  
疑九天外與此同一色

和希聲蓬華樵人遇仙行

蘆溪之山高插天蓮峯更壓蘆溪山峯頭青壁幾千年  
誰知玉闕藏神仙平明採樵陳氏子五雲深處樓臺起  
中有七仙白玉冠方瞳射人秋月寒臺前一蓮百道泉  
七始花開一成蓮因知此子無仙骨祇以崆峒入仙室

低頭乞命却走回尙復褰裳取蓮實歸來疑信互相傳  
朴哉此子非妄言安知瓊樓玉室峭千尺卽非面前崔  
嵬一片石安知世人俗氣厚如山翻把瓊樓玉室作石  
看亦非仙人幻作石世人俗眼自不識安得鴻都道士  
白玉簪持我此詩扣青壁

次蒼山晚出聞汀寇之什

山齋無一事步到白蘋洲灘近溪聲夜雲寒石氣秋烟  
塵深冉冉天地入悠悠回首東南路干戈半白頭

薛嵎十三首

嶠字仲止永嘉人雲泉詩趙東閣日雲泉以詩名于時本用唐體而物與

理稱更成一家雖其詩未足以盡其人然必有是人而後有是詩也

### 太白山觀雪

二十里松聲千山雪未晴人當絕頂見吟到此時清大地球琳滿空林鳥雀驚老僧觀物化無滅亦無生

### 漁村晚照

舊遊憶得瀟湘路今喜烟波似舊時澤畔怕逢漁父問桃源已被世人知數家草市添新戶一樹寒鴉傍古祠蘭杜香深洲渚闊小牕長日賦騷辭

### 蓑衣步

水浸石根冷風吹藤葉飛菰蒲秋影裏長趁釣船歸

### 寄宋希仁兄弟

咫尺不相見閉門唯苦吟聽殘寒夜雨灰盡壯年心身外一貧在燈前百慮深所欣交友義白首亦如今

### 和鴈來紅

若將羣卉分高下此種無因到畫欄寒蝶不知紅是葉飛來猶作野花香

### 新春感懷



南史詩選 卷一 五  
新種黃精助晚糧生涯小小拙何妨春風吹鬢不重綠  
白日笑人長自忙

閒居雜興

近覺吟無趣權將俗類刪鶯花老眼倦風雨半春閒野  
服便粗褐柴扉掩暮山片雲尋處泊飛度竹簷間  
白髮天應棄春風吹不青神仙歸恍惚書傳出英靈周  
粟豈醫餓湘流難活醒迄今名字在百世仰芳馨

松風隆首座住雲際禪院

山門開望海鐘鼓動魚龍人具慈悲相秋生寂寞容隨

身唯一鉢留偈別雙松後夜橋西月支筇失所從

山居

前村雨脚收斜陽挂高樹老翁牽牛歸頗亦有幽趣山  
風響茅屋崖月導芒屨平生江湖心於此謝馳騫  
古調今誰彈至樂非外假淵明愛無弦此意知者寡放  
鶴未歸來時倚長松下旁觀彼何人笑我衣裳野

松風閣

何處笙簫起半空滿山斜日動蛟龍老僧無語凭欄久  
過盡白雲千萬重

柴門

春風隨處好吟事又相催觸石雲飛去呼童鶴誤來杖  
藜無疾步花地有香埃不許車塵入柴門只半開

葛天民 三十一首

天民字無懷山陰人好學攻詩忽謝去為淄素名  
義銛字朴翁其後仍返初服居錢唐湖上有二侍  
姬曰如夢如幻趙紫芝詩所謂此老無塵事雙姝  
亦道情者是也與姜堯章交善集一卷

春懷

向晚一鳩鳴道人春睡足無處寫幽懷巡簷數修竹

看山

我本田夫作比丘也知騎馬勝騎牛如今馬上看山色  
不似騎牛得自由

卽事

春漲侵高岸春雲裊亂山倒扞楊柳活斜倚桔槔閑世  
味老方淡花時晴最慳東風噴嬾動故故撼柴關

收白扁荳

齒髮中年態工園素隱心因栽白扁荳欲當紫團參筐

南齊詩選 卷一 二  
筥收繁茂。牕扉失茂。陰蕭蕭。簷外竹抱蔓。替余吟。

聞鳩

蟄動猶寒在。鳩鳴恰睡餘。素傳鷹羽化。多占鵲巢居。報我晴何用。憐渠拙自如。年年偏感處。風急杏花初。

湖上觀柳偶記龍泉先生勾春柳一絲之句感而有述

斷槎無葉又無枝。得似勾春柳一絲。不是畫船栖泊處。白鷗飛下立多時。

嘗青梅

疎影橫斜處。匆匆入夏看。綠陰遮得暗。青子結來酸。因痴全疎酒。如痴獨凭闌。楊花無藉在。風急正漫漫。

江山

連天芳草雨。漫漫羸得鷗。邊野水寬。花欲盡時。風撲起。柳綿無力護春寒。

訪端叔提幹

月趁潮頭上山。隨柁尾行大江。中夜滿雙櫓。半空鳴雁。冷來無幾鷗。清睡不成。平生師友地。此夕最關情。

題謝耕道一犁春雨圖

耿耿思田舍悠悠倚釣竿一犁歌短闕十口飯長安老  
覺驅馳倦生知稼穡難畫圖詩卷在留與後人看

簡道安

相將除夜南風起雁已聲聲向北飛驟暖定知爲雪骨  
瘦年終不似冬肥日來病可方開酒節下春回稍減衣  
正好伴公湖上去孤山觀裏看梅歸

西湖泛舟入靈隱山

晴嵐漠漠水溶溶落葉遮船翠蓋重秋色盡爲漁者占  
山光多向道人濃雲連合抱前村樹磴繞飛來小朶峯

送罷夕陽迎素月樓臺高下自鳴鐘

梅花

寄遠含芳別隴頭烟沙漠漠去無休誰招青塚千年魄  
散作黃昏萬斛愁畫角霜清腸屢斷花光墨淡影空留  
年年最憶前村夜一段孤明雪亦羞

郊園避暑

有暑猶當避無憂可得忘竹疎身共瘦湖近意先涼靜  
勝寧須奕幽酣不待觴還同殘夢樂炙背負朝陽

蝶

南史詩選  
卷一  
黛拂雙眉粉襯毫翅烘晴日伴相遭戲勾穉子從花遠  
恐惹遊絲莫聞高栩栩倏來仍易散深深交舞爲誰勞  
吳王花草滕王筆千載風流敵楚騷

杏花

陌上春泥苦未乾絳唇漸吐不禁寒海棠向晚教誰伴  
山帽衝風每自看聲好最憐清曉賣啣甘長詎緣陰團  
年年過雨臙脂落時序關心有幾般

小隱自題

水拍荒籬外山攢落照邊鴉鴉乘犢去鴨鴨伴鷗眠思

淡秋雲薄情高隴月圓武陵知避世初不爲求仙

夏日池上

微波漾漾雨濛濛岸脚烟莎間水萍照影已無雙髻綠  
關心猶有一絲風鴛鴦對浴紅衣撲菡萏相親翠蓋籠  
醉舞夢吟皆勝處箇中非異亦非同

孤山後寫望

憑高每歎昔人非空有羣峯碍落暉大雅風流誰舉似  
長安秋草又衰微寒花負約開猶嬾幽鳥忘機趁不飛  
來往半生堪記處西村燈火夜船歸

南文詩選 卷一  
三  
小舟  
萬頃波中獨釣身短倉低屋舊絲綸自憐清夜歌明月  
誰共滄洲採白蘋

孤山後舟中寫望

水接遙空分外寬孤山月出靜中看疑從弱水移圓嶠  
似共姮娥住廣寒秋雨秋風初過後荷花荷葉半凋殘  
西村數點歸鴉濕老子新題墨未乾

卽事用天竺韻

寒食少逢天氣佳十朝九日雨如麻新巢唯有燕生子

小巷已無人賣花

雜詩

下竺山前打一遭丁寧門子看溪橋恐驚繞磧梅花落  
莫遣行人語笑高

元夕

元宵有月便無愁已是新年第一籌說與素娥從此去  
只須依樣做中秋

小亭

小亭終日對幽叢兀坐無言似定中蒼蘚靜連湘竹紫

此等句唐人絕  
不能有宋人佳  
處在處

綠陰深映蜀葵紅。貓來戲捉穿花蝶。雀下偷啣捲葉蟲。  
斜照尚多高柳少。明年更欲種梧桐。

荷葉浦中

急雨捎荷分外奇。珠璣狼籍錦紛披。下塘六月關心處。  
西塞扁舟入手時。却傍青蘆深處宿。還思白石去年詩。  
平生浩蕩烟波趣。月淡風微只自知。

正月二十七日過蘇堤

一堤楊柳占春風。柳外羣山細雨中。人苦未晴渾不到。  
只宜老眼看空濛。

清明日訪白石不值

花薺懸燈柳插簷。老懷那得似飴甜。畫船已載先生去。  
燕子無人自入簾。

送劉僧善行

西望羣山碧。入吳故人一笠片雲俱。東風不斷村村柳。  
展盡陽關送客圖。

湖上新秋

十里荷風蓋盡傾。城中憶殺水邊清。催詩未用西湖雨。  
且送新涼入帝城。

六月一日同姜白石泛湖

六月西湖帶雨山小舟終日傍鷗間風烟如許關情甚  
賓主相推下語難幾點送君歸大雅一涼今夜滿長安  
江湖遠思知多少歸去風前各倚闌

南宋羣賢詩選卷七

南宋羣賢詩選卷八

江都 陸鍾輝 淳川 甄錄

俞 桂 十三首

桂字晞邨錢唐人紹定五年徐之杰榜進士漁溪

詩三卷

過湖

舟移別岸水紋開日暖風香正落梅山色濛濛橫畫軸  
白鷗飛處帶詩來

和葉廣文韻



入得春來物物饒。翻思湖上短長橋。去年寒食閒遊處。  
曾把扁舟繫柳條。

書齋

野草沿庭砌。清閑日掩扉。晚涼疎雨過。落葉覺蟬稀。天  
籟自鳴竹。砧聲誰擣衣。僧寮不過此。何必扣元機。

卽事

陰雲釀雨勒花遲。梅已飄殘到杏枝。好是池塘清夢處。  
勾吟春草入新詩。

惜春

春是三分過二分。桃花水上覓紅雲。遊人浪說春歸去。  
柳外黃鸝尙自吟。

秋懷

喚醒歸舟是早秋。水光雲影兩悠悠。西風不管梧桐怨。  
一葉吹來一葉愁。

湖上閒步

一番雨過一番春。芒竹閑行踏軟塵。城裏不知春色早。  
湖邊楊柳已撩人。

新竹

南宋詩選 卷八 二  
傍牆穿過鄰家竹。愛護新篁數十竿。剪伐莫令僮僕輩。  
老夫日日要來看。

秋詠

陰軸捲還開。行歌興盡回。買花澆換葉。開徑掃蒼苔。巾  
學涼紗樣。衣從薄苧裁。潘郎羞鬢白。多是爲秋來。

江頭

漁浦山邊白鷺飛。西興渡口夕陽微。等閒更上層樓望。  
貪看江湖不肯歸。

半塘

因訪雲岩過半塘。清明時候野花香。小舟趁雨衝風去。  
不及尋僧到上方。

送人至松江

西風蕭瑟入船窓。送客離愁酒滿缸。要記此時分袂處。  
淡烟微雨過松江。

卽事

吹落楊花春事了。小池新綠雨添痕。育蚕時節寒猶在。  
村落人家半掩門。

劉翰 十一首

翰字武子長沙人小山集一卷

翠屏曲

小亭簾幕垂陰陰梅香入枕春生屏西窓月落翠被冷  
鳥聲殘夢東風醒三年不喚清溪渡夢裏灑西春水路  
江頭女兒雙翠眉能唱劉郎芳草句

種梅

淒涼池館欲棲鴉采筆無心賦落霞惆悵後庭風味薄  
自鋤明月種梅花

紅窓怨

啼鶯喚起紗窓夢紅日滿簾花影弄翠屏香字冷薰爐  
羅衣疊損金泥鳳去年君去燕歸時今日燕來君未歸  
欲把相思挑錦字夜寒懶上鴛鴦機起來翠袖香羅薄  
東風滿地桃花落

漁父

輕舟一葉一輕篷上有蕭蕭鶴髮翁昨夜不知何處宿  
月明都在笛聲中

石頭城

離離芳草滿吳宮綠到臺城舊苑東一夜空江烟水冷

石頭明月雁聲中  
江東遙遙八千騎  
大戰小戰七十二  
劉郎曉鞭天馬來  
馱踏長安開帝里  
子嬰已降隆準公  
君王置酒鴻門東  
張良已去玉斗碎  
三月火照咸陽紅  
繡衣歸來日將夜  
可惜雄心天不借  
當時已失范增謀  
尙引長戈到垓下  
刁斗作急營壘驚  
夜深旗尾秋風橫  
玉帳佳人不成夢  
月明四面聞歌聲  
拔劍相看淚如雨  
我作楚歌君楚舞  
明朝寶馬一聲嘶  
江北江東皆漢土

鴻門宴

漢高帝真英主也其入關則約三章封府庫  
子女玉帛畧無所有秦人歸心焉不待白蛇  
赤帝老嫗夜哭然後知爲天命彼姁姁項羽  
欲扼其喉而困之難哉鴻門之宴沛公亦幾  
危矣項莊舞劍項伯翼蔽沛公得從間道以  
歸獨使張良謝羽羽受其璧此亞父知其爲  
口所以慨然碎其玉斗也感之作歌

玉斗歌

有序

漢高帝真英主也其入關則約三章封府庫  
子女玉帛畧無所有秦人歸心焉不待白蛇  
赤帝老嫗夜哭然後知爲天命彼姁姁項羽  
欲扼其喉而困之難哉鴻門之宴沛公亦幾  
危矣項莊舞劍項伯翼蔽沛公得從間道以  
歸獨使張良謝羽羽受其璧此亞父知其爲  
口所以慨然碎其玉斗也感之作歌

漢兵咸陽未休舍楚王長歌到戲下項伯夜入張良營

沛公倉皇出城謝自言戮力共攻秦不意入關成此勳  
閉關藉民備他盜盡封府庫待將軍項莊拔劍項伯起  
漢楚興亡在今爾鴻門壯士斬關來慷慨一卮誰懼死  
君不見秦亡鹿走驪山傾四方盡起諸侯兵龍顏隆準  
泗上長天之所授誰能爭英雄肯落他人手獨遣謀臣  
談辯口君王間道却歸來滿地秋聲鳴玉斗

吳門行

吳歌婉婉清如水西風曉自閶門起雙橈艇子採菱來  
翠苻綠蕙香十里芙蓉影落已知秋濺濕羅衣眉黛愁

回身蕩槳入門去明月家家秋水流

客去

送客歸來月滿簷梅花微笑隔疎簾酒醒今夜銀屏冷  
沉水薰爐旋旋添

山亭

芳草萋萋怨未歸西池殘夢要題詩綠窻昨夜東風小  
開遍梅花第幾枝

立秋日

亂鴉啼散玉屏空一枕新涼一扇風睡起秋聲無覓處

滿階桐葉印明中

張良臣 二十二首

良臣字武子大梁人曾爲右職雪牕小集

晚步南城下

冷雲堆屋晚仍春惘惘人行陌上昏飛去飛來沙上雁  
去年洲渚舊蘆根

春詞二首

荇蘭無限楚時春罩岸風平綠自熏睡起畫簷雙語燕  
梨花留得夜來雲

後至舉香復倚春潘嬌梳洗最輕盈南朝破後無詞客  
燕子桃花古石城

玉臺體

一寸春霏拂綺寮蕙花江上雪初銷傷心燕子重來地  
無復人吹紫玉簫  
主人流落委荒墳燕子還來壞戟門惟有桃花古時月  
端端正正照啼痕

曉行

千山萬山星斗落一聲兩聲鐘磬清路入小橋和夢過

豆花深處草蟲鳴

賦柳

柳暗旗亭不忍看  
臨江愁殺晉衣冠  
傷心明月揚州路  
十里珠簾蕙草寒

示長蘆仁禪師

叢叢竹雀鬧人家  
農事春來漸有涯  
品字柴頭煨政煖  
不知風雪到梅花

別持上人

茂竹永和字院花  
天寶詩清江入舟  
檝忍淚別僧持

梅市道中

連雨疎篷不耐關  
修眉如失更晴慳  
越王故國無人問  
艇子穿花自往還

留題吳興投老庵

白鷺悠悠去不還  
渚雲汀草一生閑  
暮年不入西州路  
空倚梅花說住山

九日書呂季慈室

上池入寺見承平  
影落南州迹易陳  
手把黃花看新雁  
風烟愁殺舊京人

感舊

三十六陂春水綠四十九年人事非楊子江頭永嘉後  
吳儂蕩槳北人稀

山房惠猫

從來憐汝丈人烏端正銜蟬雪不如江海歸來聲繞膝  
定知分訴食無魚

過西溪

罨畫層波蕙草荒冷雲客雁兩回皇梅花到得吹成雪  
盡是清愁不是香

贈英上人

之秦賸肯迎張祿踏越何曾用計然元鼎事看蛙勝負  
大槐人與蟻相連

酒熟

濁醪初熟薦霜螿不擬寒山不廣騷清曉豆花籬下立  
竹梢獨與月爭高

遣家書

家住鄱城小洞天經年烹鯉尙茫然幾回鵲喜無消息  
吹殺燈花獨自眠



祝貓

江上孤篷雪壓時每懷寒夜暖相依從今休慣穿籬落  
取次懷春屢不歸

小破

小破燕支鈿早梅雪雲平淡越江遲青山歲暮行人少  
鴨鴨羣飛淺草時

夏夜

恰則黃昏雨便晴青塘迤邐盡蛙鳴月明已在芭蕉上  
獨有殘簷點滴聲

平旦

平旦梅花破冷紅越香何限水流東陳年翠袖新年恨  
盡在吹香笑語中

張

蘊 二十五首

蘊字仁溥廣陵人斗野支稿集中有送宴桂山赴  
高沙郡云接武容臺彼一時知其曾官曹郎然本  
末已無攷

江湖偉觀

隄柳朝朝送酒船一闌山色越帆烟蓬萊雲氣東溟外

閨閣星辰北斗前  
突兀向來無此屋  
登臨當日有諸賢  
夕陽過雁慵回首  
吟入關河萬里天

禱雪天竺由靈鷲過冷泉

降香天竺去淪茗  
冷泉來新徑石間  
過危亭木杪開烟  
山晴若畫霜葉濕  
如灰點檢經行處  
今年未見梅

酥

兼味醍醐外分身  
乳酪中江南鳴犍  
犢塞上寄飛鴻乾  
雨看如幻生鹽訝  
漸融蠟殘猶有待  
煎取牡丹紅

食蠟次韻芸隱

相黏成什伯峯聳若山王

南人呼明駝爲山王

攻處須犀鐵持來

出蟹湯梅花霜後味  
竹色酒邊香坐憶  
遊閩樂今年始  
得嘗

齋宮偶題

衆綠扶疎雨氣清  
柳花吹作小池萍  
文窓晝寂齋房邃  
三漱華池誦玉經

同寮約遊香林分韻得林字

約我當休沐同過  
支道林棋邊翻覆  
手酒外太平心石  
漱晴湍細猿吟夏  
木深歸帆帶疎雨  
涼意滿幽衿

南齊詩選 卷八  
二  
春朝偶題

忙裏偷閑答物華，一官隨分是生涯。  
春風酒棹湖隄柳，曉月吟鞦輦路花。  
報喜忽聞枝上鵲，忘機時下屋頭鴉。  
殘年鈍悶今朝盡，重對菱花拂帽紗。

重遊大滌洞天

澗水泠泠石髮新，松花香靚翠崖深。  
雲生不沒仙人跡，丹化猶啼搗藥禽。  
洗眼人多求聖水，醒心吾獨愛清音。  
杖藜更欲過新洞，無奈春空又作霖。

東庵與道者語有感

瘦策松間日又斜，更過南崦喫僧茶。  
丹青嶺樹明寒葉，水墨江天噪亂鴉。  
村酒一杯真樂事，讀書萬卷是愁涯。  
更嘗世故知閒味，河水依然鬢自華。

雪川次韻鶴田

苔雪雙流合颿檣，萬里通連山黃獨。  
雪一雁白蘋風酒，戶春醅淺魚村。  
晚市同舊游，蕉鹿外未老已成翁。

秋思

暑退涼生體氣佳，捲簾聽雨感年華。  
西風葉葉梧桐冷，開盡庭前白鶴花。

歸雁亭

青雲影裏自由身  
幾倚闌干看不真  
又是江湖春雪盡  
年年腸斷玉關人

垂虹二首

四岸俱無只有天  
烟檣如雨落漚前  
不知笠澤翁何許  
波上清風一萬年

憶着前遊十四年  
三高祠下夕陽船  
無錢買得鱸魚膾  
吟就橘花香裏眠

虎邱

曼陀石上無根樹  
歷歷生公說法餘  
劍水一泓清徹底  
至今人說有龍居

棟花

綠樹菲菲紫白香  
猶堪纏黍弔沉湘  
江南四月無風訊  
青草前頭蝶思狂

金山

江身臺殿切空雲  
夜月魚龍影不分  
八十老僧相引說  
潮痕不上郭公墳

瓜洲

南宋詩選 卷八 三  
如此江濤更有人佛狸竟死不能兵幅巾短櫂漚前夢  
未省當時有此城

維揚卽事五首

牛斗星邊禹貢州東南屏蔽大江流向來明月珠簾夢  
不信秋風夜析愁

皂角林前野地寬新塘路口草泥乾天乎如此功名事  
成敗觀人自昔難

茅屋蘆門半市坊居民無事亦軍裝愁來莫上城頭望  
西北浮雲接太陽

月明城上響邊笳一枕三更夢到家不耐楚氛真僻性  
賦詩酌酒與瓊花

土霧如蒸暴暑天燭龍偏駐柳邊船三清觀裏風廊午  
滿意題詩借榻眠

平山堂弔古

隔江山色畫圖中故址荒來與廟通畫地雄天淮海水  
占星高直斗牛宮試評蜀味長泉變欲唱歐詞古柳空  
往事茫茫增感慨聊憑戍卒指西東

平山和韻

崔田

南齊書選 卷八  
四  
瓊花應自笑南翁白髮栖栖逐斷蓬兵後百年城郭是  
塵間多事古今同孤烟遠埃如常口五月窮邊尙冷風  
可待蒹蘆歸興盡長吟且復付杯中

黃大受 九首

大受字德容自號露香居士南豐石門人嘗遣子  
載從李烏洲學朱子之學後仕于鄞應繇謂其再  
世爲右階而文采可觀如此

鄭安晚日露香詩讀  
之如行澗谷秋空月

曉松竹策  
策有聲

油口夜飲醉卧一室及覺三鼓矣秋夜新冷雨

濕蟲鳴展轉不能成寐于是浩然有歸志

一榻翛然着醉儂沉沉清夜大槐宮夢回作惡酒氣重  
枕上不眠歸興濃點滴落堦添悶雨清哀遶壁訴寒蟲  
計行良未成端緒何處高樓撞曉鐘

呈魯齋提刑伯

散盡黃金與客休田園不爲子孫謀白頭更自嫌多累  
尙有瀟湘萬卷樓

江行萬里圖

雪山西來接海白天之所以限南北誰人曾裏着輿圖

南史詩選 卷八 五  
揮斥荆吳入綃墨濃濃淡淡兩岸山烟波瀾茫江面寬  
水空漠漠鳥飛絕漸看漸遠天漫漫客舟泝流先後去  
風帆飽腹如飛舞有時小艇絕波來不知何處橫江渡  
鍾山隱隱開金陵雨花臺前留玉京汀洲劣處小孤出  
垂楊綠引潯陽城蘄黃紫翠照卷雪武昌樓臺半明滅  
周郎赤壁杳難憑洞庭寒烟濛孤月西江耿耿沙籀清  
三十六灣斜照明黃陵廟深楚山濶九嶷戍削黏天青  
我來展軸驚快靚恍然對面水仙府片時行盡江南天  
弔古何勞出門去南巡真人忘却歸軒轅龍去眇難追

咸池曲絕誰奏樂風雨啼痕滿竹枝六朝虎土工設險  
蹴踏滄波當揮劍血流不惜惜江流肯放飛埃過天塹  
濫觴曾聞蕩雍邱楫聲若爲空悠悠江聲至今恨不盡  
枉白萬古英雄頭兩階千羽享波后八公草木今健否  
長安正在碧雲邊斜日西風重回首

梅川呈同舟游仲發時中流失舟故云

投晚鍾公渡放船急流送我轉千山羣犀戲浴江含石  
飢雁悲鳴櫓下灘吟骨欲投魚腹葬夢魂那許蝶身閑  
可憐八尺奇男子不作當年跛足看

早作

星光欲沒曉光連。霞暈紅浮一角天。乾盡小園花上露。  
日痕冷冷到牕前。

公安

市人屋井底棟與江堤平。大江壓堤來浩浩。勢欲傾古  
堤騰長蛇獨與江爭衡。積流增巨漲。飄突萬馬驚。油河  
與之合。盤渦沸溷騰。折旋聲洶湧。吞汲翻長鯨。微茫隔  
岸村。百尺崩沙頰。中流有行舟。來往如飛蠅。巨風推銀  
山。性命鴻毛輕。設險護東南。天巧如揭繩。用武莫若荆

英雄所交爭。元德欲興劉。於焉深經營。坐據此要湍。進  
退窺敵情。時事一扼塞。拂衣開西局。至今聞西偏。城治  
餘邱陵。湯湯橫乎前。何畏百萬兵。善衛保其吭。坐待其  
師崩。更能用吾長。談笑收其羸。何者非神機。用之須人  
英。機畧失所用。山川無常形。休兵不敢論。淒咽含餘情。  
中秋舟次沙津

去年中秋月照我。入桂城。今年中秋月送我。到江陵。桂  
林二千八百里。城邊買船發。春水瀟湘六月寒。如冰洞  
庭湖。中秋氣生峽。江西來雪波。急片帆。帶雨烟中濕。塞



雁不來蘆葦秋風林浙瀝生人愁  
反思前年風露好月入金罇醉  
將倒如今飄落千萬山烟波瀾  
漫幾時還露香堂中千百甕玉  
瓶取醉風吹夢今宵弦管鬧繁  
華燭火沙頭一萬家爭似詩翁  
弄江月微吟還自汲江花

枝江九日簡周宰

日車不照出郊車門外天陰雲  
尙麗青州未有居士供白衣知  
是誰家奴江山有恨橫饑眼菜  
菊無情對卧壺羸得閉關吟苦  
句定無人敢喚催租

秋夜讀書

青燈敞虛堂微風動衣襟兀坐  
耽塵編起觀星河沉古人豈可  
見所稀見其心終然發永歎不  
寐鳴床琴

林希逸 二十三首

希逸字肅翁一號虜齋福清人紹  
定間進士第初任平海軍節度推  
官淳祐中屢遷秘書正字景定間  
司農少卿官至中書舍人莆田林  
光朝學于陸子正子正學于尹焞  
光朝之學一傳爲林亦之再傳爲  
陳藻三傳爲希逸故其學有原本  
詩有竹溪十一稿其他易講春秋  
傳老莊列口義考工記解

南宋詩選 卷八  
誤述甚多

信陽道中次陳守韻

古嶺纔成徑荒林間有家柳眠腰裏娜桑老骨槎牙野  
麥三分草山籬一半花挾書來萬里飄泊負生涯

安豐作

塞北悲笳起淮南古木疎風高疑唳鶴水落見叉魚俗  
僅傳丹鼎人誰問枕書因吟招隱賦久客自嗟噓

臨浦秋夜

野噪寒枝鵲邨歸古寺僧傍堦聞落葉隔岸數殘燈月

退頻移席潮高尙倚藤江虛羣籟息人語近漁罾

樂軒先師挽歌詞三首

十年燈火若爲情一日簫笳有底聲惆悵門前舊時路  
白頭扶杖夜深行

網山遺稿樂軒文已矣今無識子雲千載何人按圖問  
犀斜南谷兩荒墳

晦庵南北象山西道學年來入品題可惜六經真脈絡  
紅泉三世兩幽棲

讀黃詩

南史詩選 卷八  
我生所敬涪江翁知翁不獨哦詩工逍遙頗學漆園吏  
下筆縱橫法畧同自言錦機織錦手興寄每有離騷風  
內篇外篇手分別冥搜所到真奇絕頡頏韓柳追莊騷  
筆意尤工是晚節兩蘇而下秦與張閉門覓句陳履常  
當時姓名比明月文莫如蘇詩則黃黔南日月老賓送  
白頭去作宜州夢官樓家乘誰得之那知珠玉無散遺  
生前忍苦琢詩句飄泊不憂無死處今人更病語太奇  
哀公不遇今猶故

答友人論學

逐字箋來學轉難逢人箇箇說曾顏那知剝落皮毛處  
不在流傳口耳間禪要自叅求印可仙須親煉待丹還  
看花擔上看桃李此語吾今憶鶴山

入局有懷

戊申

空飡無補負公家此志難存鬢已華每向客懷紅躑躅  
不貪郎對紫薇花寬心可要流香酒圓夢何須正焙茶  
手板便還丞相去吾儕活計只桑麻

和後村明皇按樂圖歌

芙蓉帳暖春覺遲玉笛真人恣荒嬉弄權宰相楊與李

南宋詩選 卷八 三  
老奴將軍專北司延秋門外日未覩宮中但教霓裳舞  
薛王沉醉壽王醒天公自擊催花鼓錦雞索開金籠疎  
寶馬登床伶走趨只愁海棠睡不足肯信漁陽有反書  
青娥阿監髮種種海上依然髻斜擁游魂血汗縱得歸  
不伴君王行蜀隴周郎此筆妙殊常琛臺初見惜匆忙  
重來把翫轉燭許十年去我春堂堂按圖雅欲談遺事  
西墅無人誰考異少公錦卷長公題共說少公各揮淚  
工部後  
村之弟

馬和之覓句圖

先生隱几奴煨火斜插疎枝破瓦尊鶴夢未回更幾轉  
吟時應是月黃昏

石虎禮僧圖

眼前立是抱橋尸悔不煎腸背後兒洛度老奴聞血臭  
汝雖合爪我攢眉

楊通老移居圖

憶昔移居詩在集篇篇好就中語奇絕最是涉與島誰  
歟作此圖題以楊通老行行四五人長短各有荷瓢者  
帽且髯席者頭不裹或牧而尚髻或負而似跛孟光衣

南齊書選 卷八  
頗寬靈照袖亦拖一兒解持筆一兒纔剪髻處士獨跨  
驢牛乃背其媪彼羊驅于前彼猫肩于左琴二荻籃雙  
生計亦甚夥應嫌俗人知必住深山可低眉得何句手  
卷豈其橐若逢李十二定復歌飯顆薏苡或招讒胡椒  
能惹禍君子哉若人萬物備于我

石鼎聯句圖

畫意不畫形形勝意不足正如九方臯相馬不相肉此  
筆誰爲之纒藉以錦玉一几共三人彌明喜師服賡酬  
夜何其漏箭在銀燭誰如豕腹張誰作龍頭縮始胡爲

頽頽末胡爲屈伏彼旣鼻撩天避席徒局束去者俄翩  
然二子睡正熟參戶問童奴曉雲淒古木質之昌黎篇  
段段皆實錄用意豈不精或者疑近俗我問文章家同  
工而異曲或如駿歷險千里在一蹙或寸步不遺句句  
必連屬在詩則樂天在文則永叔畫品恐亦然願言寶  
此軸毋使歎巧心受唾於拙目

題宋德清詩藁

詩法如書法臨摹恐未真寧爲禪散聖莫作婢夫人士  
詫門中集君留席上珍苦吟應不厭會見軋黃陳

讀剛愍程公祠堂碑作

抗對公何勇留芳泣血編死能名百世生不解千年官  
豈云無長吾誠恥獨全堂堂英烈在遺像舊江邊

人世

浮世堪嗤似戲場塵編無限記興亡百年不了窻明暗  
一覺寧論夜短長空谷老天休浩歎今人古月謾相望  
眼前翻覆祇如許隱几何妨靜炷香

世味

世味更嘗百念輕眼前何辱又何榮寧教鬼解揶揄汝

不許人能駕馭卿躍馬卧龍皆夢事焚香弄錦了餘生  
春殘雨水差沾足却願從今米價平

雲木相參歌

溪翁結茅傍溪南近山繞屋青如藍天垂四野雲到地  
千頃萬頃羅松杉着亭小小寄面勢往來萬象窻中寒  
有時倚杖日未吐但見雲木朝相參蒼蒼古木大百圍  
白雲無心出復歸雲無盡藏木不老雲木千載長依依  
我醉呼雲雲不飛風和萬竅如埴篔此時此景誰能畫  
既以名亭聊賦之

艾軒先生

爲道難言不著書但知日用是根株當筵自昔傾龍象  
嗣法何人識馬駒六學卽今皆勦說一齊孤立可長吁  
犀斜南谷空愁骨仙境能談舊事無

至學

至學元談理最微負門粗細有誰知蛇生弓影多顛倒  
馬齧其聲夢轉移須信風幡原不動能如水鏡却無疵

咸經四字分明訓截斷幢幢未感時

先師樂軒云貞吉悔亡四字今古座

右銘也小象以未感害釋之有感有應而後害生未感則無可悔也

物理六言

蚯蚓兩頭是性桃花一見不疑了得葛藤三昧却參茆

苜諸詩

非魚知魚誰樂夢鹿得鹿誰誣若與予也皆物莊子執而

我之則愚

關尹子

南宋羣賢詩選卷八

南宋羣賢詩選卷九

江都 陸鍾輝 淳川 甄錄

敖陶孫 三十九首

陶孫字器之一字臞翁福清人淳熙庚子鄉薦第一慶元己未登進士主通州海門縣簿教授漳州辟酒所幹官改廣東轉運司主管文字用薦改簽書平海軍節度判官兼內外宗正簿轉奉議郎主管華州西嶽卒年七十四初朱子在經筵以耆艾難立講除外祠陶孫送之以詩有云當年靈壽杖



正合扶孔光趙丞相謫死爲甲寅行以哀之語不  
涉權臣也或爲詩託其名以行尹京承望風旨急  
逮捕微服變姓名以去所與遊趙汝諧楊長孺李  
韶林公遇劉克莊皆一時知名之士有臞翁詩二  
卷劉後邨曰送朱哀趙之作發于情性義理之正  
先生起寒苦涉憂患明練世務官多可書而談  
者目以名儒自有載籍以來悉記覽亂籤叢書搜  
研抄纂奇字奧義穿抉呈露諸文皆有氣骨可行  
世傳遠而人  
獨誦其詩

以入定大士太乙真人像送莞晦叔

真人與大士蘭菊而思芳坐卧得定力銅眼鉄脊梁是

中有佳趣山海俱茫茫或時現神妙塵跡生怪光云何  
得此本有僧吳下狂飲酒不計斗楮無一絲藏興來高  
閉門落筆如追亡走送臞庵室洗心一爐香盤陀旃林  
潤枕籍玉井涼蒙頭帔衲古遮眼經論長不知幾陵谷  
睡穩坐不僵君家定吉夢二士相迎將辟除寒具油靜  
展垂中堂會當同一龕寒泉薦空觴夜窻搖茶烟駝褐  
依繩床楊枝灑寥閬藜杖輝森芒與君六根靜讀書到

虞唐

寄福清翹山舅陳夢實

南齊書選 卷九  
路岐引入不作長野梅官柳禪風光看山看水入詩眼  
歲月不覺鬚眉蒼請從丈人開肺腸身非石人忘故鄉  
五年江湖枕書睡夢隨南雲落翁堂亦知行坐歌白頭  
池南隱几浴鳧雙鰓孤肯復有羈旅石塘破寺魂悲涼  
毛錐不補萬事裂存者各在天一方善和里第知幾易  
遼東城郭空相望平生何用酷似舅政似嫫母顰施媿  
兒時拊頭祝文章祗今未入崔蔡行三年一書願見貫  
骨肉滿縣愁難當屋頭茶蘼定過牆滿窓日色文書香  
眼前欠甥頗念否我亦口挂蠓山旁煩將歸意林泉下

小待錦衣漫俗妝

送林伯農還鹿角山

今我不樂遊四方夙昔已具浮海航十年點化鷗心性  
一生正坐虎文章海山未必盡佳處往與蜃子收漁梁  
夢中了了說吳楚山川如掌今羊腸讀書南鄰索枳榔  
原頭汗邪豚酒香何時攝衣上公堂蛤蜊含漿魚尾黃  
客從南來勤寄將

洗竹簡諸公同賦

舍東修竹密如櫛一日洗淨清風來脫巾解帶坐寒碧

置觴露飲始此迴平林遠靄開圖畫西望羣山如過馬  
詩翁意落帆影外孤村結廬對瀟灑百年奇事笑談成  
向來無此蒼龍聲閑身一笑直錢萬剡粉剡青留姓名

用前韻謝竹主人陳元仰

熱中襪襪令我汗日暮佳人期不來陳郎損人不下榻  
青山白雲喚得迴手開十畝蕭郎畫箇裏何妨繫我馬  
食單得涼清可啜毳褐分陰翠如洒搖金戛玉真天人  
夢携風前茶臼聲一川窈窕荷萬柄野翁得此甘辭名  
竹間新闢一地可坐十客用前韻刻竹上

竹君得姓起何代渭川鼻祖茲雲來主人好事富千埒  
日報平安知幾迴平生好山仍好畫意匠經營學盤馬  
別裁斗地規摩圍自汲清池行播灑一杯壽君三徑成  
請君靜聽風來聲醉眠煮得石根爛以次平章身與名  
謝葉司理徐知縣見貽之什

書生自是鑽簡蠹淨業還從竹背來新詩細字行茂密  
驚蛇起草盤蛟迴是身政欠虎頭畫望山氣如還樞馬  
翛然君子六千人不受湘靈清淚灑竹林定交業已成  
北窓讀書吾伊聲金魚玉帶不汝却社中未壓山王名

放船

柳邊放船試南風揚溪荷花能艷紅一川雲錦步不盡  
我舟正在繁香中午天無雲青脈脈枕舷哀歌醉脫幘  
更將綠葉穿碧筒欲臣屈卮奴太白風前一笑玉塵橫  
蜻蜓側翅潛魚驚騎馬貴人多內熱此歡勿語長安城  
須臾客醉船亦醉信流一抹西村外翁媪負牆樵牧奔  
拾薪供茶初不記還家鼻息撼四鄰閩風接夢疑非真  
清遊何時記三人臞庵與弟拙卿陳

次韻謝李秘校

常州無錫詩人

大雅熄自郇續絃久無人中間翰墨場名字俱已堙江  
山亦何助東海真揚塵我笑李夫子瓶無半合陳人書  
兩俱亡何用語逼真作詩來起予欲卜二仲鄰依然送  
鴻目袞袞天機新莫欺鬢眉蒼持護應有神狗鬚侯舞  
陽羝角相平津皇天信平分萬事各得春但願閱世心  
孤特凜箭筠日者霍飛書江漢起隱淪三物論鄉國六  
藝程成均秋風入帝閑錯落騅馭麟君曾讀詔否却枕  
方欠伸勿驚作詩面酒纈吹微鱗唾手洗衰陋一返姚  
姒純稽古不無力政復昌其身宅時玉堂夢與問三生

因盟我良不難欲託孫子親贊君以黃耳附書莫辭頻  
再拜賦斷章水石俱磷磷

此韻字義見詩楊之水箋

次韻馮孔武雪中簡聞人簿乞炭

君不見朱門煌煌多近臣豹胎煮糜螭爲薪庭中盛設  
潑寒戲炙手欲近還嗔人誰知曝背茆簷下欲獻要是  
山林真兒童抑搔皮肉輒日輪過中方欠伸懸鶉結駟  
兩相笑百年俱成一窖塵先生自是冷官樣要看入火  
紅麒麟撚鬚自作咏雪句秘思蚤與相如親蒲團擁裘  
結僧坐別有絺綌君南鄰願迴六龍照后土施與萬國

無邊春屑瓊鏤玉入肺腑拍手一笑吾未貧

乞炭于馮孔武再用前韻

君不見元光河決愁從臣天子有詔皆負薪當時實炭  
知幾畚下與魚鼈爭生人熟知木黔善制水火出木盡  
全其真一朝入火縱粉骨曲身得煖龍蛇伸成虧等作  
萬世計肯與胡僧推劫塵我欲詼諧與作傳上繼毛穎  
追獲麟日燒崑崙十挺指惜哉黔也非我親窮朝破竈  
鬱烟燼青唇黑腕羞比鄰誰能輿致送煖熱坐使有脚  
歌陽春將軍羔酒空作夢十年未有今年貧

思古人

思古人思古人人人皦皦若日月我欲剖棺斲出古人心惟見蒼苔漫白骨請陳古人心君勿駭客言古人惟一真可使風俗皆還淳殺雞不及林宗炊黍不候龐公雪中安道興適盡坐上公榮樽已空呼酒徑勸君欲眠卽遣客稽康巨源不爲絕戴崇彭宣本相得徐庶失老母密如元德不能奪之臣嚴陵薄宦情狎如文叔不能止之客包胥伍員不失其爲友羊祜陸抗不害其爲敵我有蒸壺安事隱語我但食韭安用多種割肉元知方

朔真拿金豈卽劉義勇古人心事有如此何至顏色相媚奉道衰儂仁義世亂生姦雄君知臧否不挂口正慮七首堪其曾我生恐無用我死知無聞作書預與兒輩訣葬時定覓要離墳

僕以紹熙壬子中夏二十有五日始躋風篁討龍井遂至廣福謁三賢像閱舊碑追觀一代風流爲賦此詩過月林依公留設茗供因書以遺之他日能爲我揭詩板于壁間使示來者亦山

中之一助也

龍井寺有辯才師趙清獻蘇文忠塑像

南齊書選 卷九  
奇石爛橫道茲山信多姿江湖醜兩股一泓乃孤危相  
傳龍所家或恐神護持腥風轉霽霽陰崖立淋漓惜無  
緯蕭勇探此抱寶癡山僧作屋意慘澹生幽思胡爲金  
繆影顛倒眩俗兒坐來百念失蒼官導前馳招提果深  
登屐痕恍前期咄哉少肉山著此高顛師端能致遨頭  
絕唱相娛嬉過溪亦何事相送了不疑渠能縛禪律因  
來鼓鬚眉我愛秦郎記字厭頭陀碑月林只夜夜人物  
自一時賢愚盡蟻封來者吾得知

再次徐先輩

淺問懲闕漏小學到凡將始制初龍遁流風漸鳥颺汜  
今緇帙富益我手抄忙半世真書癖衰年息酒狂壯懷  
邀汗漫奇服問龐涼身許羲黃上名卑崔蔡行知心屐  
幾量闕計木千章湖海堪流滯陳劉畧喪亡每思辭北  
闕直欲老東牆度嶺官憔悴藏山計杳茫尙方何日鳥  
侍几一時香斂板予行役懷鉛子舉場翅垂雖一背腹  
果自三長孰使多爲累還成少不揚忽驚投暗壁曾是  
獻明璫閱世肱三折論文首一昂結歡慚季札抗對敢  
元常宅日聯詩社前羞李杜光身是韓康伯名慚許子

南宋詩選 卷九  
將居然屯澤閉何得與風颺憶昔求詩甚端成刻燭忙  
出喉真自苦舞手或成狂楊柳偏歌雨蒲萄肯博涼羣  
兒哀齒舊諸武讓顏行禹穴魚龍陳天門虎豹章陰符  
空獨佩秘論未應亡自築楊雄宅誰窺宋玉墻鄉音殊  
磊磊俗物自茫茫被厲三精劍寧神百蘊香諾交那復  
社取醉莫論場高節看徐稚妍詞伏仲長泥蟠雖汨汰  
鞬掣會飛揚列屋多齊趙華棖間璧璫從渠誇富艷試  
與校低昂邱喙徒三尺公才可百常素交風雨盡雪涕  
魯靈光

四月二十三日始設酒禁試東坡羹一柸其味  
甚真覺麪藥中殊無寸功也食已得三詩

今日忽感悟閉門謝麪生未危却二豎不戰仇三彭培  
擊北海樽劑量東坡羹尚恨薄滋味未能免虧成我欲  
嚙元和默坐朝上京坐待梨棗熟小試昇天行

評詩要平淡此語吾不然大千自有舌何用長短篇謂  
是天送句端正落我前旋聞口吻鳴頗益心腸煎

若人天機深奇服雅自與色溫無不鉏語妙時一吐相  
逢大江上爲我浣塵土後期豈前料已作千歲語告歸



何草草雙水深霧雨稍聞父老舊門戶要渠補祗愁模  
楷地與世作誇詡寧當去樓梯閉置吾叔度

次韻張長公寵賜初度致禱之語

何人著書補獲麟竹汗未乾頭已星天上風流張公子  
散髮滄浪歌獨醒威名徧滿淮草木肯借妙語春冥靈  
矍翁之腹無三壬平生貯書纔一丁泥塗斷道學龜曳  
雲天潑眼慙鸞停亦知封侯下曹椽寧與阿堵高寧馨  
夢從諸兒坐家塾十年燈火寒青熒分無黃色明天庭  
獨倚一片藏無形虞翻骨相當自程曲江風度乃不名

上閩帥范石湖五首

人物於今正眇然欲從江表訪先賢邇來耆舊無新語  
誰使文章漫兩川利器蚤能誇穎脫偏師聊復制中權  
騷人有幾登青竹耐可同時欠執鞭

今代論文更是非賞音誰復得牙夔直從長慶成編日  
便到先生晚歲詩萬馬蕭蕭閑律令孤峯隱隱出旌旗  
了知長短三千首收拾餘師卽我師

丁年口伐真奇事一代詩鳴不救貧大手欲推浯水頌  
羣口曾折石湖名乃今謝傅還初志其奈王陽是故人

南宋詩選 卷九  
獨有吾閩欠公句詔書果起釣磻濱

此行閩嶠吾能數行盡天南未了青莫倚看山韜墨本  
要須入界挾圖經西湖楊柳雲生鏡東阜離支錦作屏  
欲託翁冰鳥石篆諸公作屋與新銘

早知天下多奇士身許先生嫡子行他日畧容追李杜  
斯文何敢望班楊向來流水孤三奏此去飛霞乞一翔  
牛鐸調宮吾豈敢噓濡萬一借聲光

登蘇臺用袁憲韻贈兩趙提幹

汝積幼聞

勝賞多從暇日違眼中朋友欲星稀退休不復思三顧

能賦猶堪廣七依遊鹿臺前空逝水棲鳥曲裏只斜暉  
書生懷古真痴絕看盡閑雲入棟飛

次韻萍鄉文叔章訪別

力田望逢年倚市勝刺綉十年邱里語失火要自揀君  
行半天下何處得耆舊請從老龐說龍鳳相赴湊全家  
隱鹿門遺安不求富常時拜床下大鐘盡徐扣男兒惟  
一身用在百歲後譬如營屋室宗廟先庫廩不聞買山  
隱而有居巷陋君看鐘鼎家梁肉或墨瘦寧爲賣文活  
一經老學究出身卽九折時命迺大繆向來尸褻革口

南宋詩選 卷九 二  
語困逗留居然齒編貝月粟供賃儻何知山澗底鹿豕  
對飯糗文章忌隨人謹勿誇客右書林無淺植筆耒有  
深耨紛紛青紫植後進渠領袖結交兩任昉設客一陰  
就卑官慚處贈俚語致公壽

高郵因師蒲萄蘆雁秋瓜三種

漢家士馬知多少晚得蒲萄繞院栽何物支郎能伎倆  
龍鬚馬乳應時來

蒲萄

莫話淒涼塞北秋銜蘆避弋使人愁與君細展江南畫  
水宿沙眠得自由

蘆雁

子母鈎牽曉露溥行人暍暑慰艱難青門種色今餘箇  
莫作黃臺秋盡看

秋瓜

用香字遺李恭叙

我無令君三日香瘦鶴爲軀龜作腸薄寒中人曳兩縱  
獨吟猗那遺我將憶從兩脚萬里回政坐羣兒相謗傷  
竭來一見老柱史城郭落落歸靈光安得與君乘六龍  
探借千歲北斗漿却乘斑虬訪月窟盡斫惡樹無留藏  
天風泠泠吹佩環洞視碧落豁四旁下方應奉正三入  
閉置可憐青瑣窻

再用晨字韻寄潘德久

舍人賓日姿起居庭燎晨豈惟瑞朝廷薦紳日多聞就  
如田甲謝死灰果不然那知碩果剝中有一念仁稽古  
得微酬櫛具我進賢琴爲悲風彈茶必活水煎平生轉  
庵詩小當壽千年忽聞朔方騷更欲腰黃間少陵耽句  
佳欲以一死捐是中有真意靖節差獨賢去夏苦多雨  
勢若無炎官今晨迫重午香黍仍膠去聲槃天機杳難測  
人言亦多端祇今原田上立苗未妨寒但願舍穎時借  
日開迷漫螻蛄爾何知噉噉啼夜闌

改周晉仙贈丁相士之什

張顛許我以神仙薛顛謂予可英傑丁生謂二俱無成  
世間那得此奇崛麒麟閣上森貂蟬龍虎鼎內飛大丹  
腰錢跨鶴誰不願只有圯下先吾鞭何如吳松江上住  
門橫釣車屋農具卧看蒼虬擾白雲正午堂堂拔江去  
奉寄旌德尉劉申之

諸劉兄弟賢一一無可選竹林銳頭郎風味吾小阮平  
生天機深善閉得內撻邇來卿何曹不辨折腰本稍傳  
詩語來朝日照蘭畹伊余戰紛華心旆凡幾偃劃逢君

家語雋永初一變識遺飽新得友勝悟夙損緬懷歌商  
地蕭瑟松磧遠陰陰蕪菁花碧蝶相與晚是中着高士  
物意自偃蹇向來白衣宰雲壑論補袞優游濟艱難如  
以禹代鯀劉郎秀眉宇秋隼立高巘端能謝師匠萬卷  
自鉏墾時須閱世諦一及城門鍵功名頭上簪日月風  
中憶何時會吳下春動長洲苑

送王郎

車輪何由方草色欲無路晴川媚雙燕及此送將去向  
來撲朔豪日者今華□下客時覘君車茵陽醉吐萬事

君不理傳聲拒開戶雖然臭味合更覓心貌古書讎嶧  
山棗羹臙首陽苦坐令府西門平輿平聲說二許君當我  
輿臺銀艾心已灰尚有西山綠共待石髓開神仙覺易  
與詩句端難裁却後五百年化鶴吾獨來

訓答李學長

海門縣學有三忠堂陳了翁任伯雨龔夫兩簿扉負墻甚邇

夫子焉不學高朕羅三賢橫前一片石教外皆別傳三  
虎誰最怒未覺相後先渠伊囊中方貴在後者鞭我家  
一佛堂盜背知廟堧憶昨祠上丁蕙燭初欲然諸生氣  
清明人如出雩泉洗爵俯象鼻掩豆高豚肩朱絃張文

南史詩選 卷九  
王繁聲斥師延此時識方屢綦滿青苔錢李公獨鳳儀  
衆中得何堅惜無補天手轉之上細旃朝來食盤中穉  
蕨初數拳蒼蒼本難測何由頤真筌自我得此士可以  
一當千如聞縫掖姿欲重世所捐春容吐握詩法用春  
秋全訓贈無玉案三復緇衣篇

大風懷林伯農

江湖易高風六月寒瘁瘁中宵會急雨涼意到衾枕顛  
披蒲葦亂抑壓烏鳶禁禾頭欲生耳樹背各流瀋不謂  
鋪綵霞橫拖半天錦初疑鴉翻睛旋覺虹投飲晦明信

難料暘霽吾誰諭所思隔江水筆力望徐沈十年一葛  
衣肘見尙整衽想當風雨夕憂國願歲稔淒涼新豐邸  
避濕幾違寢何由語連牀共破秋氣凜

醉歌贈鄒孝忠

老鄒草檄如吹律能令陰谷回陽春手提赤心獻天子  
布衫麻鞋驚市人戈船上噓五里霧詔發內府捐金銀  
進賢冠者不好武歸來結屋看濤雲却回孤憤與江浪  
氣壓千人萬人將或時飲就夷門屠亦有撾操漁陽唱  
埋名袖手君得辭行官今在江之湄高帝遊魂正思沛

南齊書選 卷九 五  
太王有道聊居岐一杯屬君當起舞能令公喜令公怒  
捽摩青山鬪兩虎搜攬中流鵝鶴語平生未受噲等伍  
圖中褒鄂爾如許六十小刼口運去老上口口公手取

次韻張宰牡丹

羯鼓勿罷弄吾琴無成虧潘桃既無賴陶柳自不持造  
物有鑪錘攬之杜拾遺卷簾出傾城一笑不用帷輪心  
巧當面珍重來如期人爲曲江秀花自潛溪移美心欲  
晞紅鏡中覩東施如聞姚魏風紅紫合折枝常恐研光  
帽半倒金屈卮作詩苦留春出吻竟不奇但當闔幽間

屬賦歌載馳慙懃禪靈錦丈尺餘邱遲公杯當再行雉  
邊多小兒

上鄭參政四十韻 乙亥

吾聞天下選人傑聖時蕃佐戴高前牒承家裕後昆海  
門當劍立洋嶼炎鵬騫氣色來迴互耆明有討論蟠匄  
三萬卷落筆五千言地芥垂頭拾天瓢信手翻餘陰潤  
桑梓賸馥列蘭蓀白日騏驎坂青春桃李園揚鬢方澤  
國插羽已天閭伊昔呂能諫于今弘獨尊夙驚山有虎  
已驗鹿隨幡帶草書籤麗金華講舌溫履聲仍獨上驛

置愈爭奔有客迷途甚勞公倒屣煩請先陳失馬次第  
說投猿漳水頭堪白融峯淚幾吞嵌嵌辭故里觚角見  
脩門到遞吳蠶宿留交楚雁番忽通狂客刺俄返獨縲  
魂望祿蒲生節隨人柳折圈天高難發口地縮會移跟  
一昨哄堂暇深知納牖恩印刳聊小靳縲束更能存日  
者叨堂貼時哉會氣元敢言矜驥裏復自妬嬋媛未學  
應須授羣經剩欲繙恐因鱸發發復作兔爰爰光範寬  
無闕階符紫有垣極知專造化稍許展寒暄國論圖南  
紀邊防議北轅未將蠹火畀忍使彗旗燔天步曾留跼

皇心重改幡房奩非久秘藥籠會深掀豆棧能忘秣糶  
材儻入掄畧容偷廩稍重議洗乾坤舉邑多狷犬深心  
寓祝狔老身難矍鑠疾眼久眇昏合浦珠無脛豐城劍  
有痕事多慚蹇叔議敢及臧孫餘日知安在南村定北  
村

體齋詩爲梁谿馮季求作

口腹不自主來吟體齋詩三肅齋中人問體安措辭體  
卑語近拘體高語近欺耳目口鼻形人各師其師要之  
天地間當以一理推馮侯好兄弟一一清廟姿是家好



談道脫畧毛與皮一堂春悒悒詩禮相娛嬉但媿遠客  
 塵泥子連理枝雖然參自訣要知不磷淄我車得國工  
 分路有險夷君知魯叟聖妙在物不遺當其作春秋一  
 字如權錘越境惜趙盾斷謂此語非俗儒無已心望道  
 如隔紕閉門畫圓方用世多參差千載堪一咍汝足未  
 及噉馮郎顧我笑坐久鑪烟遲黃花粲墻東青山轉墻  
 西吾言亦已費須君浮一卮

附詩評因暇日與弟姪輩評古今諸名人詩魏武帝  
 如幽燕老將氣韻沉雄曹子建如三河少年風流自  
 賞鮑明遠如飢鷹獨出奇矯無前謝康樂如東海揚  
 帆風日流麗陶彭澤如絳雲在霄舒卷自如王右丞

如秋水芙蓉倚風自笑韋蘇州如園客獨繭暗合音  
 徽孟浩然如洞庭始波木葉微脫杜牧之如銅丸走  
 坂駿馬注坡白樂天如山東父老課農桑言言皆實  
 元微之如李龜年說天寶遺事貌悴而神不傷劉夢  
 得如鏤冰雕瓊流光自照李太白如劉安雞犬遺響  
 白雲覈其歸存恍無定處韓退之如囊沙背水惟韓  
 信獨能李長吉如武帝食露槃無補多慾孟東野如  
 埋泉斷劍卧壑寒松張籍如優工行鄉飲醕獻秩如  
 時有詼氣柳子厚如高秋獨眺霽晚孤吹李義山如  
 百寶流蘇千絲鉄網綺密環妍要非適用本朝蘇東  
 坡如屈注天潢倒連滄海變眩百怪終歸雄渾歐公  
 如四瑚八璉止可施之宗廟荆公如鄧艾縋兵入蜀  
 要以嶮絕為功山谷如陶弘景祇詔入宮析理談元  
 而松風之夢故在梅聖俞如關河放溜瞬息無聲秦  
 少游如時女步春終傷婉弱後山如九臯獨唳深林  
 孤芳冲寂自妍不求識賞韓子蒼如梨園按樂排比  
 得倫呂居仁如散聖安禪自能奇逸其他作者未易  
 殫陳獨唐杜工部如周公制作後世莫能擬議此評

子姪得之爲多外自寫兩紙其一以遺蒲陽劉潛夫其一以遺同舍朱仁叔二公皆知詩者且其語疊疊逼人故爲之書嘉定八年夏至後二日長樂敖陶孫

朱繼芳 三十四首

繼芳字季實建安人登進士第龍尋尉調宜州教授不赴靜佳龍尋稿二卷

朱門二首

朱門往事若爲懷積雨苔痕綠上堦幾處敗靴吟蟋蟀  
玉人曾此溜金釵

中壽知無滿百身暖歌冷舞及青春黃金不買長生藥

白髮偏驚快活人

客路

屈指秋風與雁期陽關西去到何時倒身一望腸堪斷  
天似穹廬碧四垂

邊庭 三首

公主琵琶北地秋將軍刁斗漢關愁相逢老病無依卒  
未說沙場淚已流

有客新從塞上回解包收得戰場灰營家未敢分明哭  
請看刀痕始欲哀

南史詩選 卷九  
北風吹骨最酸辛  
白面書生四角巾  
戰士總成亡命鬼  
將軍纔是有功人

漁父

不踏長安十二門  
鷓鴣飛處數家村  
停橈試向灘頭問  
莫是嚴光末世孫

反招隱

木末徑微微  
誰敲白板扉  
緩行松葉滑  
小摘藥苗稀  
山色自今古  
塵寰多是非  
昂昂千歲鶴  
便肯傍人飛

登眺

破帽任風吹  
天知髮已絲  
大江流禹蹟  
老樹見秦時  
北際山如礪  
南溟水似池  
夜涼無夢到  
久矣歎吾衰

旅館

僕行方請息  
旅館復相招  
小市三家聚  
前村五里遙  
茅柴侵熟飲  
松葉帶生燒  
猶有斜陽在  
行吟忽斷橋

對酒

莫信樵人說  
秦時有樹存  
青天浮渤澥  
白日走崑崙  
爲有愁千斛  
須持酒一罇  
提壺亦相勸  
花下綠陰繁

客路

南史詩選 卷九  
三  
閨闔空相憶。那知客路艱。背人前去鳥。迎面遠來山。夜  
泊孤燈悄。晨裝片月彎。猿聲不知處。杳杳白雲間。

溪寺

背人沙鳥一行斜。喚客桐魚幾壘槎。誤向山中叅白足。  
不知頭上着烏紗。煮茶烟暖浮新竹。洗鉢泉香帶落花。  
過夏功勞眠與食。誰能展卷看楞伽。

少年遊

紫陌尊芳愛馬遲。一春能得幾晴時。海棠露重衣全透。  
楊柳風微帽半欹。大白引浮銀鑿落。小紅吹徹玉參差。

人生行樂須年少。莫等星星滿鏡絲。

江湖偉觀

吳山表裏水爲池。百有餘年壯帝畿。天目舊將雙鳳下。  
海門新拱六龍飛。胥濤白雪生秋思。太乙紅雲駐夕暉。  
江上沙鷗湖上舫。緋絲風裏兩依依。

用前韻謝野水郎君招飲

爲有臺池無限嬌。遊人歌舞尙朝朝。清漪浴日開金面。  
晴唳調風袞綠腰。騷客五花唐殿馬。主家七葉漢庭貂。  
丁寧紅紫休開遍。約住春風待見邀。

南齊書選  
卷九  
送李敬則之昇楊

江北江南一葉舟  
憑將往事問東流  
錦帆月冷瓊花夜  
綺閣風高玉樹秋  
杜牧三生開笑口  
劉郎五絕掉吟頭  
淮山眼見詩人慣  
高築詩壇汗謾遊

書窻夏日

南風伊軋語窻扉  
團扇無功白日遲  
長恨老來方學易  
自從春去不吟詩  
虫絲有力縈琴索  
蛙粉無聲點墨池  
偶出門前行數步  
石榴花過已多時

陳令君增誠齋三三徑爲十二徑次韻

四家三徑各風流  
今古悠悠貉一邱  
拍甕新篘浮臘膩  
繞堤老柳弄春柔  
日邊黃紙催人去  
霞外青山聽鶴留  
若問西疇蓑笠事  
今還陶令一孤舟

次韻野水花朝之集

睡起名園百舌嬌  
一年春事說今朝  
鞦韆庭院紅三徑  
舴艋池塘綠半腰  
苔色染青吟屐蠟  
花風吹暖敞裘貂  
主人自欠西湖債  
管領風光是客邀

和秋房題半湖樓二首

天目飛來第幾峯  
峯前着屋貯虛空  
濕雲低亞鈎欄角

缺月斜窺戶牖中一水東西添柳岸兩山南北欠樵風  
住家欲作千年計頃刻陰晴便不同

四明仙客此樓居畢竟西湖壓鑑湖曾謂家童欺賀老  
不如沙鶴認林逋蒲根釣水知深淺柳外行人乍有無  
此景天公厭多取只分一半與吾徒

溪村 六言

訪中有画  
雨洗山光綠淨波涵天影清空草際自浮鵝鴨柳陰分  
坐見童

揚州

金陵王氣水東流流到東淮古岸頭夜半一聲天上曲  
錦帆天子下揚州

七夕

兒女穿針夜向分樓頭月落尚鑪熏憑誰爲覓機邊石  
留取支牀卧白雲

題李秋堂盟鷗集

相逢已恨十年遲買酒吳山一夜時明日送春仍送客  
柳花風颺鬢邊絲

辛亥二月望祭齋宮因游甘園

南史詩選 卷九  
山入湖光碧四圍棋枰零落葑田稀蒲芽短短鴛鴦冷  
惟有漁師幾網歸

朝霏作雨連天濕春氣熏人到骨香四望水亭無正面  
有花多處背湖光

海棠陰下小徘徊屐齒深深一徑苔忽聽銅鈺花外近  
園丁說是主人來  
老眼看花興未厭不知頭上雨廉纖流鶯浪語春風恨  
誰拗花枝插帽簷

公事相妨一半春今朝纔得自由身眼中領畧能多少

細雨斜風便妬人

晚眺

鳥飛欲盡暮烟橫一笛西風萬里晴山外有山青不見  
微雲映出却分明

次意一先生仙霞壁間韻

回首仙源隔彩霞叢祠攫肉有飢鴉正元朝士重來晚  
不見桃花見菜花

有懷鷺山次僧芳遲韻

一塔與雲齊尋僧路不迷小舟沙鳥外疎磬夕陽西古

樹含雲亞春橋覆水低鷺峯飛不去夜夜子規啼

二  
七  
二

南宋羣賢詩選卷九



